

Zastupnik Jasmin Šaljić, Stranka za Bosnu i Hercegovinu

Datum: 23.06.2025.godine

Inicijativa prema Vladi, Ministarstvu unutrašnjih poslova i Skupštini Kantona Sarajevo

Predmet: inicijativa za formiranje rezervnog/pomoćnog sastava Ministarstva unutrašnjih poslova Kantona Sarajevo

Naš odgovor ne treba biti samo reakcija, nego i racionalan odgovor na postojeće sigurnosne izazove. Rezervni/pomoćni sastav policije u Kantonu Sarajevo bio bi od velike koristi, i to iz više razloga. Sada je evidentan hroničan nedostatak policijskih službenika u Kantonu Sarajevo. Nepokrivenost terena je očita - to vide i građani. A uz trenutne kapacitete Policijske akademije na Vracama samo kadetima iz Kantona Sarajevo bile bi potrebne najmanje tri godine da završe obuku, stupe u radni odnos i popune upražnjena radna mjesta po sistematizaciji. U isto vrijeme Akademiju koriste i ostali kantoni koji se suočavaju sa istim problemima.

Dodatno, sektor policije prolazi kroz prirodnu smjenu generacija. Mnogi službenici zaposleni tokom i neposredno nakon agresije, generacije iz 1996-1997 godine ispunjavaju ulosve za penziju. Očekuje se da će u ovoj godini iz MUP KS biti penzionisano oko 150 policijskih službenika. A slični brojevi se očekuju i u naredne dvije godine. Nedostatak ljudstva direktno utiče na sigurnost građana, njihove imovine(JriM) javnog reda i mira. U posljednje četiri sedmice svjedočili smo razbojničkim krađama, tučama, ubistvima, nasilničkom ponašanju, upotrebi vatrenog oružja, pa čak i bacanju ručne bombe u naseljenom mjestu.

Kamere, aplikacije i tehnologija ne mogu zamijeniti živog policajca. Građanima je važan osjećaj sigurnosti koji dolazi samo u slučaju kada vide pješачku ili autopatrolnu jedinicu u svojim naseljima, ulicama, parkinzima i raskrsnicama. Jedan od povoda za djelovanje su najave iz Entiteta RS o formiranju takozvanog pomoćnog sastava Policije RS. Nije nikakav problem formirati rezervni/pomoćni sastav policije, potrebna je samo politička volja da se raspiše javni poziv, jer postoje kapaciteti u svim Policijskim upravama. U javnom pozivu se može navesti da se prioriteto razmatraju kandidati koji su u prethodnim Javnim konkursima učestvovali na testiranjima i ostvarili dobre rezultate i koji su zavedeni u dokumentaciji koje posjeduje MUP KS uz uslov da nisu stariji od 30 godina. Rezervnom policajcu u radu dodijeliti mentora tj. aktivnog policajca, te u zavisnosti od rada i zalaganja rukovodioci Policijskih uprava će ih slati na redovnu obuku Policijskoj akademiji Vraca.

Za ove aktivnosti potrebno je izdvojiti određena finansijska sredstva, koja će izdvojiti Vlada Kantona Sarajevo. Tačan broj nedostajećih policajaca i finansijskih sredstava nisam naveo iz opravdanih sigurnosnih razloga.

**Zastupnik u Skupštini KS
Jasmin Šaljić**